



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

Name of School : PENTECOSTAL YU LEUNG FAT PRIMARY SCHOOL
學校名稱 : 五旬節于良發小學
Name of Play 劇名 : 誰最聰明？
Script writer 劇作者 : 黃賽珍老師

Synopsis 故事大綱：

學校來了兩位來自外國的交流生福爾摩摩和柯蘭，他們和本校學生胡呂、胡道等都參加了國際推理解難大賽，個個都想贏出比賽，證明自己是最聰明的人。他們在野外進行比賽期間不幸遇到山賊，如何可以化險為夷呢？他們當中，誰又是最聰明呢？



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

第一場

人物： 胡呂、胡道、福爾摩摩、柯蘭、多嘴、小丁

地點： 學校大門前

時間： 早上

(胡呂、胡道站在台中，向台左張望)

道： 夠鐘啦，點解仲未見人？

呂： (一副料事如神的樣子) 佢哋初嚟步到，當然係冇咁準時！

多： (從右面入，大聲地) 喂！糊哩糊塗！(胡呂、胡道嚇了一跳，轉向多)

道： 多嘴！咩「糊哩糊塗」？我地係學校裏面最聰明嘅人！係全校解難大賽嘅冠軍！

呂： 你兩隻眼睇清楚，我哋係兩兄弟，我係阿哥胡呂

道： 我係細佬胡道

多： **Sorry** 囉！(好奇地) 你哋喺度做乜？

道： 校長吩咐我哋喺度迎接嗰兩個由外國嚟嘅交流生。

多： (恍然大悟) 哦！

摩： (風度翩翩) **Good morning everybody!** (一邊說，一邊從左面入)

(呂等向左看)

道： (有點忙亂，急道) **good..... good morning.**

摩： (發音不準) (一邊說，一邊走到台右) (呂等目光跟著摩移動) 唔使緊張，出發嚟香港之前一日，我已經學咗廣東話啦。

道： (驚訝地) 學咗一日就識！我諗呢個世界上應該都唔會有第二個咁聰明嘅人啦！

蘭： 咁又未必嘅呢！(一邊說，一邊從左面入)

(呂等向左看) (蘭走到台左，呂等站在摩和蘭中間)

蘭： (用日文講) **Ohayo gozaimasu** (早晨)！

道： 講日文嘅？你一定就係由日本嚟嘅交流生啦！

呂： (驚訝地) 唔通你就係柯南？



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

蘭： (用力地) 少年偵探柯南係我哥哥，我就係佢嘅妹妹，嚟香港參加比賽，我叫做柯蘭，(用力地) 請大家多多指教嘅呢！(鞠躬)

摩： (向蘭，紳士地鞠躬) Nice to meet you, I am come from England, (發音不準) 我係神探福爾摩斯個孫個孫個孫， my name is 福爾摩摩，我係交流生，又嚟比賽。

呂： 有你哋參加今次嘅國際推理解難大賽，一定會好精彩！

摩： (發音不準)(自信地) 我嚟自偵探家族，今次嘅冠軍我係志在必得！

蘭： 中國人有句說話「一山還有一山高」，邊個係推理之王，而家都未知嘅呢！

(呂等站在中間，不停向左向右望)(後面傳來慘叫聲)

丁： 哎呀！

(丁跌倒在地上，簿冊散落一地)

多： (跑過去扶起丁) 小丁，你有冇事？無端端點解會跌親？

蘭： 呢個同學大概係身高 135cm，體重約莫係 34 公斤，屬於偏瘦，呢疊簿冊，總共有 34 本，重量約莫有 1.8 公斤，簿冊嘅重量超出咗佢嘅負荷能力，所以跌親。

呂等： (佩服地點頭) 原來係咁！！

摩： (發音不準) 呢個同學嘅嘴角有忌廉污漬，左手手指有餅碎，應該係一路行一路食野，注意力不集中，所以跌腳跌親。(丁連忙抹嘴及手指)

呂等： (佩服地點頭) 原來係咁！！兩位真係料事如神，旗鼓相當啊！！

丁： (仰慕，興奮地) 兩位大人太聰明！推理解難大賽嘅冠軍，一定係兩位啦！

摩： (發音不準) 兩位？

蘭： 兩位？

(摩、蘭兩人對望，露出凌厲的眼神，發出電光，兩度電光在空中相遇，爆出火花，空中爆出輕微的「撲撲」響聲)

呂等： (好奇地抬頭，東張西望，疑惑地追尋聲的來源)乜嘢聲？打雷咩？

(摩、蘭保持對望，以凌厲的眼神刺向對方)



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

第二場

人物： 胡呂、胡道、怪婆婆、怪爺爺、小怪怪

地點： 荒山野嶺

時間： 晚上

(幕閉)(胡呂、胡道站在台右，滿臉擔憂)

呂： (無精打彩) 唉！天都黑曬啦！(稍停)估唔到今年嘅解難大賽要實地係野外進行，真係估佢唔到囉！

道： (沮喪) 早知就同摩摩佢地一齊行啦。(望四周) 呢度荒山野嶺，手提電話又收唔到訊號.....

呂： (東張西望，突然，指後方遠處) 咦！個度有間屋仔喎！我地過去睇下啦！

道： (害怕地，拉住呂) 咪住！個間屋仔爛蓉蓉，唔知會唔會有鬼呀？

呂： 唔好自己嚇自己！快啲行啦！(呂拉道從左入)

(幕開，怪氏家客廳)(呂、道從左入，站台左)

呂： 無拴門嘅？(大聲) 請問有無人呀？(稍等) 請問有無人呀？(安靜，沒人回應。呂、道對望一眼)

道： (輕聲地) 好似無人喎。

(怪蹦蹦跳跳從右入，怪婆婆、怪爺爺跟在後面)

怪： (歡天喜地，大聲地) 有人呀！有人呀！(衝到呂、道面前) 你估唔估到係邊個呀？

呂： 呀.....(呂想回答，來不及開口)

怪： (歡天喜地，大聲地) 果個人咪就係我囉！(大笑) 哈！哈！哈！哈！係唔係好好笑？

(呂、道對望一眼)

道： (向呂，輕聲地) 佢好似有啲怪怪地。

怪： (跳起，驚訝地、大聲地) 嘩！！！哥哥，你好聰明！你估到我地屋企係姓「怪」！



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

(傻笑)

呂、道： (異口同聲) 怪？

怪： (歡天喜地，傻笑) 係呀，大家叫我小怪怪，(指爺) 叫我爺爺做怪爺爺，(指婆) 叫我嫲嫲做怪婆婆。

呂、道： (戰戰兢兢地向) 怪爺爺，怪婆婆，你地好。

(婆走到呂、道面前)

婆： (一臉慈祥地) 你地食左飯未？

呂、道： (驚喜，異口同聲) 未啊！

婆： (一臉慈祥地) 好呀！

(呂、道充滿期待地望住婆。婆走到沙發前，安靜坐下。呂、道詫異，對望一眼)

爺： (向呂、道，冷淡地，大聲) 坐！(呂、道嚇一跳)

怪： (歡天喜地，傻笑) 爺爺撞嚙，講野好大聲，嘻嘻。

(呂、道點頭，戰戰兢兢地走到沙發前坐下)

爺： (自言自語) 不速之客。

(呂、道聞言，嚇得馬上站起來)

呂： (有點尷尬) 不好意思，我地同大比賽會失去左聯絡……

爺： (冷淡地，大聲) 算。(轉身，從右出)(呂、道詫異，望右，看爺出，對望一眼)

怪： (悄悄走到呂、道身右，歡天喜地，傻笑) 嘻嘻，(呂、道嚇一跳，望怪) 爺爺唔鍾意講野。

婆： (悄悄走到呂、道身左，一臉慈祥地) 你地食左飯未？(呂、道嚇一跳，望婆)

呂、道： (異口同聲，有點害怕地) 未……呀……

婆： (一臉慈祥地) 好呀！(轉身，從右後出)(呂、道驚慌，望右，看婆出，對望一眼)

怪： (站呂、道身右，歡天喜地，傻笑) 嘻嘻，(呂、道嚇一跳，望怪) 嫲嫲腦退化。

(怪轉身，歡天喜地，傻笑，哼著歌，蹦蹦跳跳從左出)(呂、道害怕，望怪出，對望一眼)

呂、道： (異口同聲，輕聲地) 佢地好得人驚呀！

道： (輕聲地) 不如走囉。